que ie luy donnay, aprés les instructions necessaires: heureux d'auoir pris part aux enseignements que ie faisois pendant l'hyuer, lorsqu'il venois auec les autres dans nostre Chapelle, & d'auoir merité par ses soins, que Dieu luy sist misericorde.

L'esté de cette mesme année ie sus occupé à assister particulierement les malades de cette Mission; i'en baptisay trois, que ie trouuois en danger, deux desquels sont morts dans la profession du Christianisme. [85] Dieu me conduisoit encore bien à propos dans les Cabanes, pour conferer le Baptesme à onze enfans malades, qui n'auoient pas encore l'vsage de raison, & dont cinq sont allez iouir de Dieu. De dix sept autres ensans que i'ay baptisé l'autonne & l hyuer suivant, il n'en est mort qu'vn, qui est monté au Ciel, presque en mesme temps qu'expira vn bon vieillard aueugle, trois iours aprés son Baptesme.